



Nuuk 29. april 2016

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga.

Apeqqutit:

- 1) Naalakkersuisuit 23. Oktober 2013 "Immikkoortoq 709-711-mut tunngatillugu atugassarititaasussanut nalinginnaasunut september 2010-imeersunut tapiliusseq aamma sumiiffimmut Kalaallit Nunaata kujataani Kuannersuarni akuersissummut 2010/02-mut tapiliusseq nr. 1 pillugit nassuiaat"-mi taamani Aatsitassanut Naalakkersuisuusumit atsiorneqarsimasumi ima allapput:

"302. Pisinnaatitsissummik pigisaqartoq pinngoqqaatinik qinnqornermik ulorianartunik akulinnik paaanissamut akuersissummik tunineqarnissamik qinnuteqarpat, takuuk immikkoortoq 301, Naalakkersuisut qinnuteqaat nammineerlutik aammalu arlaannik tunngaveqanngitsumik imaluunniit sumilluunniit tunngaveqanngitsumik itigartissinnaavaat. Qinnuteqaat ilaatigut politikikkut imaluunniit ingerlatsivimmi pinngoqqaatinik qinnqornermik ulorianartunik akulinnik paaanissamut akuersissummik tunniussisanninnissamik aalajangiineq tunngavigalugu itigartinneqarsinnaavoq.

Qinnuteqaammik itigartitsineq pisussaaffeqarnermik akisussaaffeqarnermillu malitseqassanngilaq, ilanngullugit Namminersorlutik Oqartussanut, Naalakkersuisunut imaluunniit Aatsitassanut Ikummatissanullu Pisortaqaarfimmut taarsiinissamik akisussaaffiliissanani".

Aamma:

"303. Pisinnaatitsissummik pigisaqartoq pinngoqqaatinik qinnqornernik ulorianartunik akulinnik paaanissamut akuerissummik tunineqarnissamik qinnuteqarpat, tak. Immikkoortoq 301, Naalakkersuisut pinngoqqaatinik qinnqornernik ulorianartunik akulinnik paaanissamut atugassarititaasut suulluunniit nammineerlutik aammalu killilersuutitaqanngitsumik aalajangersarsinnaavaat. Naalakkersuisut ilaatigut paaanermi ingerlatanut, isumannaallisaanermut peqqinnissamut, avatangiisinut, pisuussutunik atorluaanermut aamma inuiaqatigiinni piujuartussamik iluaqutaasumik sunniutaasussanut atugassarititaasussanik kiisalu pisinnaatitsissummik pigisaqartoq Kalaallit Nunaanni Namminersorlutik Oqartussanut akiliuteqassanersoq aalajangersaasinnaapput. Naalakkersuisut tassunga ilanngullugu nammineerlutik aamma arlaatigulluunniit killilersuutitaqanngitsumik ukiumoortumik akitsuummik sumiiffiup akuersissummi pineqartumut ilaasup angissusaa tunngavigalugu naatsorsugaasumik akiliuteqarnissamik (nunaminertamut akitsuut) atugassarititaasussanik, akitsuummik aatsitassat piarneqartut ilaalu ilanngullugit tunngavigalugit naatsorsorneqartumik akiliuteqarnissamik (tunisassiornermut akitsuut) atugassarititaasussanik imaluunniit suliaqarnermit akuersissummi pineqartunut ilaasumit aningaasatigut pissarsiat ilaannik Kalaallit Nunaanni Namminersorlutik Oqartussanut

akiliuteqarnissamik (pissarsianit akitsuut) atugassarititaasussanik aalajangersaasinnaapput”.

Nassuiaatip allanneqarneraniilli ingerlatseqatigiiffimmut allanik nalunaaruteqartoqarnikuua imaluunniit neriorsuuteqartoqarnikuua?

- 2) Nassuiaammi nassuiarneqartut suli atuuppat?**
- 3) Naalakkersuisut allanik ingerlatseqatigiiffiup taarsiiffigitinneqarnissaminut piumasaqaateqarsinnaaneranut naliliisoqarneranut oqaasissaqarpat?**
(Inatsisartuni ilaasorta q Aqqaluaq B. Egede, Inuit Ataqatigiit)

Tungavilersuut:

Urani ulorianartunillu qinngornertallit allat pillugit innuttaasut taasitinneqarnissaat pillugu oqallinnermi Naalakkersuisut arlaleriarlutik aperineqarnerminni naqissusertarpaat ingerlatseqatigiiffik Kuannersuarni misissuisoq piianissamut akuersissummik pinissaminut neriorsorneqarsimanngitsut. Tusagassiorfitsigut immikkut ilisimasallit naliliipput ingerlatseqatigiiffik taarsiiffigitinneqarnissani piumasareratarsinnagaa. Nassuiaammili 23. Oktober 2013 Naalakkersuisunit saqqummersumi erseqqissumik tamanna pisinnaanngitsoq nassuiarneqarpoq. Tamanna naqissusernissaa apeqqtuteqarnitsinni ujartorparput.

Apeqqutit piaartumik ullullu suliffiit qulit qaangiutsinnagit akineqarnissaat kissaatigaarput.